

靈寶無量度人上品妙經卷之三十二 黃二

五行順治品

道言昔於玉虛大明天中九華寶光神瑞慶  
土受元始度人五行順治妙品元始天尊當  
說是經周迴十過以召十方始當詣座天真

黃二

大神上聖高尊妙行真人上清五星真君無  
鞅數眾乘空而來五色重光景雲四繞紅瓊  
之輶紫琳之輅金輪轉轂日駕浮空羽筵連  
霞金真警衛流虹交映玉馬騰煙照徹碧虛  
三日三夜七宸啓靈五斗順位璣衡停運山

嶽玄鎮天道開明華林蒼彩長樓列觀接引  
凌風金闕瑤京無復高下地敷寶砌色吐瓊  
綿衆真侍座

元始天尊玄坐五雲浮黎冰玉金映萬寶之  
座與中天紫垣蒼華生德萬壽道君丹華陽  
德萬福道君皓華正德萬善道君玄華一德  
萬生道君大華聖德萬順道君五方真元道  
君元始開圖之後五氣乃分道祖攸同氣母  
稟異將宣五行順治生化三界慈育萬彙之  
道說經一遍諸天大聖同時稱善是時一國

男女宣行順教無有尅傷說經二遍四氣和  
平時不失度說經三遍沖用太和景物長春  
說經四遍騰氣均行人無衰穢說經五遍陰  
陽調運疾病不生說經六遍羣生遂性萬宇  
咸寧說經七遍五星合明珠躔周軌說經八  
遍甘露浮空靈芝鬱秀說經九遍天光下濟  
泉曲開明說經十遍國被道化率土歸賓是  
時一國是男是女莫不傾心皆受護度咸得  
長生

道言是時元始天尊說經一遍東方無極無

量品蒼華九氣至真大聖無鞅之衆浮空而  
至說經二遍南方無極無量品丹華三氣至  
真大聖無鞅之衆浮空而至說經三遍西方  
無極無量品皓華七氣至真大聖無鞅之衆  
浮空而至說經四遍北方無極無量品玄華

卷二

二

五氣至真大聖無鞅之衆浮空而至說經五  
遍東北無極無量品素華梵炁至真大聖無  
鞅之衆浮空而至說經六遍東南無極無量  
品碧華梵炁至真大聖無鞅之衆浮空而至  
說經七遍西南無極無量品大華梵炁至真

大聖無鞅之衆浮空而至說經八遍西北無極無量品寶華梵炁至真大聖無鞅之衆浮空而至說經九遍上方無極無量品紫華一炁至真大聖無鞅之衆浮空而至說經十遍下方無極無量品黃華一十二氣至真大聖無鞅之衆浮空而至十遍周竟十方無極至真大聖一時同至一國男女傾心歸仰來者侍側圍繞咸欲欣聞元始天尊召集五元道君敷演五行順治長生之法物無夭傷永絕刑禍普天稱慶劫劫隆平於是元始變身示

現天座高遠大如蕭臺翠光層劫以億爲仞  
元始聖體巍巍瑩如寶山十方華林同蔭若  
蓋金色洞耀徧照無極元始登引天真大神  
上聖高尊妙行真人五元道君十方無極至  
真大聖無鞅數衆俱升玄座天人仰看一一

其二

二

天真住一天界瓊攔藻井金闕琅軒無不備  
足說法之聲億衆如一心心相通法音無間  
同時說法無有違逆比之流泉傾瀉妙意一  
切衆生各各了知金木水火土五行之氣自  
相順治本無刑剋雖有勝復鬱拂之變斟酌

天倪以生和氣五行混同升降合德五氣調  
平三界泰定及於人物一切生身三元構精  
五行結秀順治不逆沖德滋神虛含道真凝  
如珠玉大若彈丸光華鮮灼太空有象是時  
天人一切衆生以順治故斷絕死道諸惡不  
生大業宿冤一時頓息地獄衆苦猛火洋銅  
變成青蓮九幽北都爲安樂國以五行順治  
則萬物化生三界靈仙一切種民悉無罪越  
諸天遙唱萬神設禮一國之境如懸冰玉及  
似寶珠表裏明徹略無浮翳以及纖塵元始

即於玄座所現之境說經都竟衆真監度以授於我當此之時喜慶難言諸天復位條欵之間寂無遺響是時天人遇值經法普得濟度全其本年無有中傷傾土歸仰咸行順心順道順德順善順法順真順明順生順神順化言無悖異口無惡聲齊同慈愛異骨成親國安民豐欣樂太平經始出教一國以道預有至心宗奉禮敬皆得度世

道言元始天尊說經中所言並是諸天上帝內名玄道順福五行不尅全物之隱音亦是

五元道君內諱混交五氣之隱名也非世之  
常辭上聖已成真人通玄究微能悉其章誦  
之十過諸天順度萬物生榮天潢隨流氣無  
鬱藹山安海鎮六天運明三辰駐照九道齊  
并羣魔鬼精歸道成人白骨屍骸順治更生

其二

四

至學之士誦之十過則五行聚精三田結嬰  
人無中傷壽與天登所以爾者學士誦詠是  
經召命五星順應和樂六腑安寧穢氣消亡  
心感洞真以制十方法施天靈天人皈依灾  
害不生可伏御地祇束縛魔靈却死留形輕

誦此章身則被殃供養尊禮門戶興隆世世昌熾與善因緣萬災不干神明護門斯經尊妙獨步玉京度人無量為萬道之宗魏魏大範德難可勝

道言凡誦是經十過諸天齊到五星真君五方大神悉降其所三辰在人身命或凌犯勃蝕伏逆為災使世生民運為不遂理務乖違宜齋戒誦經五星合度五行順治災害消弭億曾萬祖幽魂苦爽皆即受度上升朱宮格皆九年受化更生得為貴人而好學至經功

滿德就皆得神仙飛升金闕遊宴玉京也上  
學之士修誦是經五星旋行回而不轉三宮  
填滿自然得真皆即受度飛升南宮世人受  
誦則天輪順次一十二宮不相違錯運過限  
臨氣超候接周徧宛協身無殃咎真氣內結  
邪癘不干延壽長年後皆得作尸解之道魂  
神暫滅不經地獄即得返形遊行太空此經  
微妙普度無窮一切天人莫不受慶無量之  
福生死蒙惠上天所寶不傳下世至士齋金  
寶效心盟天而傳輕泄漏慢殃及九祖長役

鬼官侍經五帝玉童玉女各二十四人營衛  
神文保護受經者身

道言正月長齋誦詠是經五行順治春氣遂  
生萬物秀成胎卵化濕就形無隕自然通神  
上世亡魂斷地逮役度上南宮七月長齋誦

詠是經五行順治秋氣遂成萬類堅革就養  
燕寧金真入骨身得神仙諸天書名黃籙白  
簡削死上生十月長齋誦詠是經五行順治  
冬氣剛凝萬物歸根陽氣潛形太一復位帝  
主道興五星聚中聖德日新四海澄波六氣

和平臣民康樂億載太平壽等天地日月無  
傾兵消疫散時清德盈爲國王帝主君臣父  
子安鎮國祚保天長存世世不絕常爲人君  
安鎮其方民稱太平八節之日誦詠是經五  
行順治十方齊營真氣周流時化自然所作  
皆成內功克備得爲九宮真人本命之日誦  
詠是經五行順治災害不經三刑六害劫耗  
傷驚星光映身仙道自生魂神澄正萬氣長  
存不經苦惱身有光明三界侍衛五帝司迎  
萬神朝禮名書上天功滿德就飛升上清

道言行道之日皆當香湯沐浴齋戒入室  
東向叩齒三十二通上聞三十二天心拜  
三十二過閉目靜思身坐青黃白三色雲  
氣之中內外籙冥五星在頭光氣纏繞青  
龍白虎朱雀玄武獅子白鶴羅列左右日

黃二

六

月照明洞煥室內項生圓象光映十方如

此分明密祝曰

無上玄元太上道君召出臣身中三五功曹  
左右官使者侍香玉童傳言玉女五帝直符  
直日香官各三十六人關啓所言今日吉慶

靈寶度量人上品妙經

長齋清堂修行至經無量度人願所啓上徹

徑御

無上三十二天元始上帝至尊几前畢

引炁三十二過東向誦經

元始無量度人上品妙經

元始洞玄靈寶本章五行順治真化度人百

魔隱韻離合自然大無元冥杳寂無真空極

生神真炁神存兩半同升陰陽始分黑白二

物爲天之尊中黃爲土四氣潛形赤明開圖

乃有五星熒熒列位道之淵靈太空真土鎮  
德自名鎮之父母甲巳爲源網緼相求土形  
乃生乙庚合氣土乃孕金德神武承天之  
根金液化水丙君辛臣水性潤下金土感化  
句芒吐綠青芽起雲雲回上清癸魄戊魂日  
月含育赤精揚煙煙息體合氣歸返真神化  
無門無門爲空空爲土公九還七返至道之  
宗是曰五行順治而通陽順則福陰逆爲凶  
順治五行惟帝之亨萬天凝粹浩劫又寧五  
行尅伏鬱拂差勝自非通神不知至聖土爲

中主五劫氣彊木來尅之非謂勝制欲其順  
昌木極金犯金勝火流火炎水濟凡此皆爲  
尅伏世之鄙愚不悟天道貴其中順惟其平  
調爲帝之德順治無偏玄之又玄至寶順生  
礫石迺成瓊臺玉闕金樓碧城鬱羅蕭臺玉  
山上京上極无上大羅玉清若亡若存隨意  
而營浩浩梵氣瀰漫無形中有大帝三清之  
君中有九老仙都之真中有黃元九素大神  
中有白元皓空之君中有太玄五靈洞微之  
神中有青華九仙丈人中有赤書紫文之君

中有太皇萬福順治元化延壽度厄尊神今  
日校錄諸天臨軒

東方無極青帝木真神王長生大聖無量度  
人

南方無極赤帝火真神王長生大聖無量度  
人

西方無極白帝金真神王長生大聖無量度  
人

北方無極黑帝水真神王長生大聖無量度  
人

東北無極大帝玄女神王長生大聖無量度

人

東南無極大帝赤子神王長生大聖無量度

人

西南無極黃帝土真神王長生大聖無量度

黃二

八

人

西北無極大帝天姥神王長生大聖無量度

人

上方無極真帝玄父神王長生大聖無量度

人

下方無極元帝道母神王長生大聖無量度  
人

十方至真飛天神王長生度世無量大神並  
乘紫霞流精之輦太微金明五真混變無極  
之駕素麟丹鳳青鸞黃獸萬福之騎天仙扈  
從七億萬人執持雙珠月明白羽玄干冠帶  
九氣三辰之華九歌陽音八素陰唱嘯歌雍  
雍五老啓途羣仙翼轅億乘萬騎浮空而來  
傾光迴駕順治化生諸天丞相南昌上宮韓  
司主錄監生大神五帝司馬感生元君執籙

把籍齊到帝前隨所應度循運諸天却逆除  
暴調元五精水火不尅萬物悉全天人鬼神  
順道變仙順為臣子忠孝德先忠感玉帝孝  
徹太玄陰陽和等三官列言人神感悅品彙  
駢繁下極幽都北山河源冥類苦爽時刻升  
遷以順得生仙化成人身身受度劫劫長存  
隨劫輪轉與天齊年未度三塗五苦八難超  
凌三界逍遙上清上清之天天帝玉真無色  
之境梵行

東方八天

運智正除天  
洞霞寂夷天  
彰直元通天  
照效清池天  
昌景仁政天  
蹈登煥夷天  
崇譽炎常天  
玉真高聖天  
南方八天  
艷靜淵映天

帝玉覺觀月  
帝醜鑒元期  
帝馘妄理真  
帝苦勤寥  
帝吉義安  
帝長肱正基  
帝整真微晞  
帝道極元凝  
帝胡尤琛

神鄉總樞天  
述理精玄天  
火度化周天  
魔治宛靈天  
逸婁冲璩天  
赤奪標秀天  
太極順皇天  
西方八天  
仇圖蔚育天  
觀耀真妙天

帝勾龍師存  
帝石嶽正璘  
帝選妙資忱  
帝兆勤洞豪  
帝彊鹿皓蘇  
帝祈東偃名  
帝蕪軒董玄  
帝爍陀郝明  
帝祚莊堂

梵度明瑤天

帝宗耀頓康

抱正斗機天

帝斬伐魔凶

辨伏安道天

帝嗣康監生

素明洞虛天

帝惠施部慈

華都耀明天

帝難樞婁命

要玄大皓天

帝晶絕神環

北方八天

神府公符天

帝宿陰城

梵章紫皇天

帝越平延

龍猷轄洞天

帝火旦爛燉

靈寶度量人上品妙經

僊平清修天

帝玉素真華

混合妙真天

帝抱光紫輝

玄璘統儀天

帝時承道生

冥度弘嘉天

帝杳曲玄嶼

澄漢洞浮天

帝中極幽微

三十二天三十二帝諸天隱諱諸天隱名天

中空洞自然靈章順治五星不有遲留伏藏

悖逆道氣左回逆犯者追使氣循軌由正相

生交養萬彙與帝同榮無敢天傷秀實華精

一萬九千四百二十一種穀果蔬畜五行順

生食者長年不作疾癘自致神仙此文隱諱  
知者不言悟真識玄玉書明宣諸天隱韻無  
有尅勝戰爭違忤干凌五星之分協和致福  
帝主萬年正氣殄滅袂怪凶害未捐順治之  
音順治之尊順治之神順治之魔順治之靈  
二景六合順躔上清紫微布氣招搖列星太  
和沖盈金木同形水火爲一土德共并殺害  
怒闢以順得平無量之奧深不可詳敷落神  
真善度天人今日欣慶受度歷關諸天請滅  
違伏留逆勃蝕之氣斬絕袂根順度五常真

流太玄五帝轉樞經緯天門東斗延生西斗  
合氣北斗養胎南斗行勢中斗受形三界福  
凝青帝樂金白帝同木赤帝運水黑帝助火  
黃帝含虛五行協佐敢有惡逆不順道者戮  
以風火青天真王治木之鬼赤天真王斬火  
之賊白天真王斷金之邪黑天真王滅水之  
怪黃天真王伏土之殃五帝真王萬神之宗  
飛行鼓從總領神兵麾幢鼓節遊觀太空自  
號赫奕諸天齊功上天度人嚴攝妖凶木氣  
逆土土制水窮水藏火精火鍊金鎔金還尅

木相迭爲凶五帝握符五星御龍循繞靈綱  
使氣和同五行順治不有尅傷天人協道萬  
物輝昌自然長生時化明雍天地正輪六精  
允隆萬氣無愆聖運無窮萬神咸聽三界五  
帝列言上清

龍漢延康真道惟常恍惚無形初不隱彰元  
晶廓如混氣華芒赤黑潛孕五氣乃光方域  
定位東西擊攘形勢相乘或柔或剛金木爭  
戰龍虎騰驤陰制於陽陽薄於陰凌奪無期  
氣與神傷元始行道五星尊王善爲陽順惡

爲凶戕正真御樞中極命神順以治化化開  
玉京晃燦玄臺碧落維天天上天下無幽無  
冥無形無影無極無窮赤明開圖運度順行  
元始安鎮瓊象玉文流雲翥鳳元氣道根保  
制劫運使天長存梵炁彌羅萬範開張元網

黃二

十二

流演三十二天輪轉無色周回十方旋斗歷  
箕回度五常三十五分總氣上元是謂順行  
不犯神綱綱以制氣進退所將好生協從輪  
無蹶張順道偶和和密而淵八景冥合氣入  
玄玄中太皇上帝高真泛景璇圖敷落洞

章赤書五篇制斷不祥經緯得緒三界福堂  
帝德體循紫庭聯芳雲宅玉靜日闕金璫皇  
皇寶華空洞自然千和萬合五政成真真中  
有神長生大君無英木帝白元金神太一治  
土司命火尊桃康合延水祖大溟執符把籙  
保命生根上遊上清出入華房八景之內細  
微之中下鎮人身泥丸絳宮中理五氣混合  
百神十轉回靈萬氣齊仙仙道貴生無量度  
人上通玄門飛天法輪順治命延罪福禁戒  
宿命因緣普受開度飛魂生身身得受生上

聞諸天諸天之上各有生門中有空洞謠歌  
之章五真靈篇辭參高真

第一五星真君紫微定位飛空之音

太空無邊

道體自然

冥漠匪迹

混洞之先

恍惚中物

至精不遷

升陰降陽

元氣綿綿

氣從何生

太虛發煙

晶明在胎

神氣淵泉

三五既名

七九相連

氣分方畔

水火變生

彊弱剛柔

道功無全

根角有來

落落在天

生化由之

悟則神仙

五行共濟

五賊為緣

水火金木

中土天關

尅制則鬱

氣變成姦

不動則平

化力無傳

歌此靈音

泛駕翩翩

第二五星真君順治五氣招玄之章

金光在東

炎炎寶龍

西靈授符

南山起雷

黃旗翻翻

環拱太微

履道無爽

真氣所歸

錦輿琅軒

金馬玉鞭

吾何狩之

周流八騫

事君事父

順忠孝先

道妙在茲

靈寶度量上人上品妙經

秘不可傳  
吾道正明  
造化匪艱  
庶品孽育  
萬氣同仙  
天順明清  
重閭胞胄  
神變入空  
五老命封  
右扶太真

上輔帝臺  
光揚九天  
布于天道  
各用其元  
內福三界  
地順咸寧  
出生無死  
驂駕九龍  
玉策絳章  
流金火風

出為德宣  
生植和澤  
灌氣巡環  
光亘上下  
外洞人玄  
人順胎丹  
徹視通靈  
慶耀流彩  
左嘯華童  
順行祕道

萬帝唱恭

五行返一

非有無中

第三五星真君順治運度大霞歌曰

天市層垣

列耀猶肆

我執玉書

赤文大字

刻寶光門

瓊館北軒

星國萬里

仙民駟繁

中有帝皇

黃二

十四

絳闕紫煙

雲盈我居

光浮我廬

陰陽二景

瑤琳珮珠

蹇蹇其行

五色自生

遲伏留逆

順德無爭

以順事帝

動如符契

以順事天

得道自然

以順生化

神功綿綿

靈寶度量人上品妙經

日月瞳朧	目視三素	螭迹彫瓊	道幾無形	萬方作則	善惡不遺	神造希夷	大標經西	迴旋帝車	氣合太無
	倏忽變通	雲萌紫素	杳杳元精	不順天運	德之所藏	我位上王	攬槍協齊	帝車在東	結錄寶圖
	神母玄父	咽服玉精	生化無窮	變為五賊	順為聖德	炯炯其方	順道為治	仁化普從	五篇玉文

此三界之上飛空之中五星真君順治五行  
至妙之音參洞章誦之百遍名度南宮誦  
之千遍五帝保迎萬遍道備飛升太空過度  
三界位登仙翁有聞靈音萬神敬形敕制地  
祇侍衛送迎拔出地戶五苦八難七祖升遷  
黃二  
永離鬼官魂度朱陵受鍊更生是謂無量壽  
度無窮有祕上天文諸天共所崇泄慢墮地  
獄禍及七祖翁

道言此二章並是諸天上帝及五方真元道  
君至靈隱祕之音皆是大梵之言非世上常

辭回度順網使流演得宜遠諸災殃降致和  
氣福如太倉故謂玄奧難可尋詳上天所寶  
祕於玄都紫微上宮依玄科四萬劫一傳若  
有至人齋金寶質心依舊格告盟十天然後  
而付焉

道言夫五行順治則萬物有宗陰陽至和三  
界歡樂天人長年無夭折尅傷之患若氣化  
失次星度迭執刑殺制勝竟不休息則天地  
運度亦有否終日月五星亦有虧盈至聖神  
人亦有休否末學之夫亦有疾傷以其五行

之氣不以順道則天人怒而不喜人鬼凶而不吉凡有此災同氣皆當齊心修齋六時行香十遍轉經福德立降消諸不祥無量之文善度無窮

道言夫世人生命限臨滯厄運即相須水火交錯數歸滅亡氣索命終以五行刑剋併於絕地故也不知身壞物弊而真神本元之主道之至精未常滅也五行逆次則天地終極或末學道淺仙品未充運應滅度身經太陰臨過之時同學至人爲其行香誦經十過以

度屍形如法魂神徑上南宮隨其學功計日而得更生轉輪不惑使得神仙

道言五星凌犯不順治其道為天災下為地禍中為人患天地運終星宿錯度日月失昏四時失度陰陽不調不順於天也山摧地

黃二

十六

震水湧泉涸獸食人民蝗鼠害稼陷沒注決風火迸出壓溺倒裂不順於地也國境生災兵革興作疫毒流行兆民死傷師友命過鬼出為祟不順於人也五行失順則物莫能治欲使順道自然天下安謐者皆當修齋敷露

五方真文立壇奉幣以告五帝行香誦經夫  
齋戒誦經功德甚重上消天災保鎮帝王下  
攘毒害以度兆民生死受賴其福難勝故曰  
無量普度天人

道言凡有是經能為天地帝主兆民行是功  
德有災之日發心修齋燒香誦經十過皆諸  
天記名萬神侍衛右別至人克得為聖君金  
闕之臣諸天記人功過豪分無失天中真王  
亦保舉爾身得道者乃當洞明至言也

諸天中大梵隱語無量音 道君撰

元始靈書五行順治玉篇

東方八天

神屢易圖 玉遇山回 子玉七覺

輔波僊深 旦烈靜卒 江梗呼迎

寶煙披澤 始粟備身 閱碩彊偃

辨卑羅蜜 第二 魯輦息家 十七 處檀移心

魔詠枝河 究屈張平 蘭球珠忽

离龍梵陰

南方八天

太玄混微 斗著轉華 移盈曲祿

報該無涯  
念蕩董頤  
救明演徒  
極深光總  
九搖契遠  
露戟韓司  
泊詵招西  
飛玉投檢  
瓊籌泛芽  
丹明希沈  
長幾嶧訛  
騫傳良滌  
房觀迎陀

西方八天

音混真隅  
柳寂鎮鋪  
義殿洪護  
遘健錫無  
仗伎巫丑  
月羅雲奔  
部茫哆參  
王中玄臺  
元洞惡奕  
靈童爛浮  
祥寧寔賈  
靈提丁謀

勤玄樂明  
耀雄傳孤  
梵明皇景

豐嬉並元

北方八天

太玄宛室  
旗正亭白  
沈酬幾澄

貴真奚名  
廓定逸革  
樞靈翹縹

韶庭湄瀟  
醜那奕升  
宿嶽林曆

道混魔京  
罔被淵密  
龍固迷緣

太陰九靈  
魔微朝徵  
神瑛沙蘭

韞誥仙盟

道言此諸天中大梵隱語無量之音舊文紫

筆題璇璣之門以東方八天第一第二第三  
字正天分度丹書龍臺玉山中閣以南方第  
六天第四第七字使五行順治氣不害逆三  
華太玄碧落之文刻紀中斗魁宮司空之庭  
以西方第三天第五第七字第四天第一第  
八字以斬祆芒犯害順行之軌黃道之前為  
蠶之者使水火不尅正氣和寧帝道皇極吉  
昌蒼延大素錄簡之筆著文斗箕東北龍母  
之山鳴鼓之樓真靈瑤闕譙都之上以北方  
第二天第三天第四字第八天第一第四第

七字以斷却五行不循星車失度差躔之氣  
使五行順治降福人天為百靈所仰萬神所  
遵字皆廣長一丈八角垂芒方廣如印天真  
皇人昔書其文布於八天十方上下以為正  
音有知其音能齋而誦之者諸天皆遣飛天  
神王下觀其身書其功勤上奏諸天萬神朝  
禮地祇侍門大勳魔王保舉上真道備克得  
遊行三界升入金門

此音出空洞之中太和沖杳之氣結成正音  
五行刑害不順行度失治禍及民者鼓其音

而禳之天垂甘露地生神芝金寶開泄符瑞  
自生無所不辟無所不禳無所不度無所不  
成天真自然之音也故誦之致飛天下觀上  
帝遙唱萬神朝禮三界侍軒羣祿東首鬼精  
自亡琳琅振響十方肅清河海靜默山嶽吞  
煙萬靈振伏招集羣仙天無氛穢地無祲塵  
實慧洞清大量玄玄也

黃二

十九

元始無量度人上品妙經卷之三十二